

漢書疏證

漢書疏證卷十

地理志第八

史通曰夫尚書者七經之冠冕百氏之襟袵
凡好學者必先精此書次覽群籍譬夫行不
由徑非所聞焉脩國史者若傍採異聞用成
博物斯則可笑如班書地理志首遂全寫禹
貢一篇降為後書持續前史蓋以永濟水床
上施床徒有其煩竟無其用豈非惑乎晉春
秋諸國賦詩見意左氏所載惟錄其章名如
地理為書論自古風俗至於夏世宜云禹貢

已詳何必重述古文益其辭費也

容齋三

筆曰地理志中沛郡公丘縣曰故滕國周懿
王子叔繡所封顏引左傳邳邳曹滕文之昭
也為證亦云未詳其義真定之肥累菑川之
劇泰山之肥城皆以為肥子國而遼西之肥
如又云肥子奔燕燕封於此魏郡元城縣云
魏公子元食邑於此因而遂氏焉常山元氏
縣云趙公子元之封邑故曰元氏不應兩邑
命名相似如此正文及志五引潯池河皆注
云序音呼池音徒河反又五伯迭興注云此

五伯謂齊威宋襄晉文秦穆楚莊也而諸侯
王表五伯扶其弱注云謂齊威宋襄晉文秦
穆吳夫差也異姓諸侯王表適戍彊於五伯
注云謂昆吾大彭及韋齊威晉文也均出一
書皆師古注辭而異同如此王應麟詩地
理考序曰班孟堅志地理序變風十三國而
不及二南豈知詩之本原者哉又曰秦分
天下為三十六郡其中西河上郡則因魏之
故雲中鴈門代郡則趙武靈王所置上谷漁
陽右北平遼西遼東郡則燕所置史記不志

地理而見之于匈奴之傳孟堅志皆謂之秦
置者以漢之所承者秦不言魏趙燕爾日
知錄曰地理志侯國有注有不注殆不可曉
意者班史亦仍前人之文止據其時之見在
者而書之乎胡渭禹貢錙指曰漢書地理
志郡縣下舉山水之名凡言禹貢者三十有
五如夏陽之梁山龍門山襄德之北條荆山
美陽之岐山新安之澗水上雒之洛水護澤
之析城山垣縣之王屋山及沈水與滎陽地
中軼出之水北屈之壺口山穀城之湮水平

氏之桐柏山及淮水臨沮之南條荆山定陶
之荷澤上鉅鹿之大陸靈壽之衛水上曲陽
之恒山恒水萊蕪之汶水蒙陰之蒙山箕縣
之澠水祝其之羽山彭澤之彭蠡澤耶縣之
江沱青衣之蒙山蒲氏徼外之岷山及江水
首陽之烏鼠同穴山及渭水臨洮之西傾山
冀縣之朱圉山涇陽之涇水睢陽之孟豬澤
湘南之衡山此真禹貢之山水絕無可疑者
也它如氏道之養水非嶧冢之所導西縣之
嶧冢非漾水之所出湖陵之荷水非東至之荷

澤信都之絳水非北過之隋水安豐之大別
非江漢之所會蜀郡之桓水非西傾之所因
而皆繫之以禹貢此蓋沿襲舊聞不可盡信
者也亦有寔禹貢之山水而不繫之以禹貢
者如華陰之太華山鄠縣之澧水上雒之熊
耳山蒲反之雷首山彘縣之霍太山即太岳長
子之濁漳水漳即衛屯留之絳水即降堊王之
太行山華容西陵編縣之雲夢澤鉅堊之大
野澤鄴縣之故大河渠一博縣之岱山
蓋縣之沂水萊蕪之淄水毗陵之北江水三

江充縣之澧水河關西南羌中之積石山及
河水剛丹之弱水直路之沮水卞縣之泗水
成平之徒駭東光之胡蘇鬲縣之鬲津即許商所
舉九河皆禹貢之山水也而獨不繫之禹貢
之三又義例參差貽惑後入者也其東武陽之
漂水雖不言禹貢而云禹治漂水東北至于
乘入海則亦是禹貢之漂矣驪成之揭石山
冠之以大索縣有揭石水而不言山空乎不
繫禹貢也又曰地理志於禹貢之山水稱
古者十一扶風汧縣吳山古文以為汧山武

功太壹山古文以為終南垂山古文以為惇
物潁川宓高太室山古文以為外方山江夏竟
陵章山古文以為內方山安陸橫尾山古文
以為陪尾山東海下邳葛嶧山古文以為嶧
陽會稽吳縣具區澤古文以為震澤豫章歷
陵傳易山古文以為敷淺原武威武威之休
屠澤古文以為豬野澤張掖居延之居延澤
古文以為流沙其所謂古文蓋即棘下生安
國所說騁中古文之義傳之都尉朝而司馬
遷亦從安國問者也惟終南流沙陪尾不可

後餘皆致確

齊召南曰按各郡國下皆書

元始戶口所以摠一郡之大凡故各縣下不

分載也而亦有記戶口者京兆尹之長安左

馮翊之長陵右扶風之茂陵潁川郡之陽翟

雋陵南陽郡之宛楚國之彭城戶皆四萬以

上至八萬蓋漢制令長萬戶以上為令秩千

石至六百石減萬戶為長秩五百石至三百

石也縣至戶一萬以上已足當邊郡一郡南

郡戶一萬零合浦郡一萬零日南郡一萬零

鬱林一萬零武威酒泉敦煌皆一萬零張掖

蒼梧皆四萬至八萬乎故特詳戶口志是

二萬

縣為重地也。按列郡次序三輔三河五農
本屬司隸督察寇諸郡至於部州所統宜
以類從而并州之太原上黨兖州之東郡陳
留獨得比於三河者以此四郡之縣並無列
侯食邑也。至潁川則成安周承休二縣為侯
國矣。汝南則陽城成安春弋陽歸德安昌
安陽博陽成陽九縣為侯國矣。南陽則博山
鄧安眾舂陵新都紅陽樂成博望復陽九縣
為侯國矣。此其所以不同也。

天下分絕為十二州

即古曰九州之外有并州
幽州營州豈曰十二水州

高可居者曰州洪木汎大各就陸入之所居凡十二處

宋祁曰注文南本無九州以下十五字景本無注末凡十二處四字

至于衡章

愚按孔安國鄭元皆以為漳水橫流即清漳濁漳之漳書作漳此獨作章章不與漳通師古亦用孔鄭之說而不辨章漳二字同異則宜作漳明矣今本皆作章疑誤

厥田中下

師古曰第六也

劉敞曰田中下而言厥賦貞乃第六明矣自

孔氏固誤之 宋初曰正文厥字別本無

浮于涕漂

宋初曰漂穀作濕注同

萊夷作牧厥斐縻絲

劉敞曰貢締絲不特言斐縻絲言斐而叙萊

夷之下明此萊夷之貢

淮沂其又

師古曰淮出大復山沂出泰山

齊召南曰按志沂水出泰山郡蓋縣然則泰

山乃郡名非謂沂水出泰山之麓也注與淮

出大復山對言竟似沂出東岳矣三劉不加

糾正何耶

厥斐玄織縞

劉敞曰此斐亦屬淮夷

厥斐織貝

貝師古曰織謂細布也水蟲也古以為貨

劉敞曰予謂織貝特叙鳥夷之下明鳥夷之

斐也緝貝為布如厚繒今亦有之貝木名也

貢漆臬締紵斐織縠

師古曰紵織紵為布及練也

宋祁曰練淳化本作疎

岷嶓既藝

宋祁曰岷疑作嶓注同

西戎即叙

師古曰言此諸國皆織皮毛各得其業而西方遠戎並就次叙也

宋祁曰姚本各得其下添事字次字改作此

道嶠冢

師古曰嶠冢在梁州南北

齊召南曰按南北當作西北

至于敷淺原

師古曰敷淺原一名博陽山在豫章歷陵南

宋祁曰博陽尚書注作博陽一本作博陽

路史餘論曰敷淺原蓋江鄂之間孔氏謂一

名博陽山顏師古云博當為博漢志豫章歷

陵縣南有博陽山博陽川在南古文以為敷

淺原音為敷陽誤為博爾水經注云敷淺原

地在豫章歷陵縣西南水經所載禹貢山水
澤地亦六十山指名曰山水指名曰水而稱
地者四流沙九江東陵敷淺原也孔顏以為
山者異矣按通典云蒲塘驛漢歷陵縣有敷
淺原西十里有博陽山以今縣南十三里有
陽居山舊經依圖以為敷淺原名博陽山然
縣境惟有一水流入大江入謂博陽川乃在
此山東北與志不合杜佑復析敷淺原博陽
山為二蓋以敷淺原之水也博陽之山不得
而實爾

至于衡山山師古曰衡

齊召南曰按此本孔傳之誤也衡山湘所經

北去岷江甚遠安得謂江所經乎志明曰長

沙國湖南禹貢衡山在東南矣

道沈水

宋祁曰沈一作沅

四海會同師古曰四海之內

宋祁曰注文之內下有皆字

咸則三壤成賦中國師古曰言皆隨其土地自

國中

宋祁曰邵本其土地下自字作田 愚按大

德本竟作土田無地字

祇台德先

師古曰
台養也

愚按諸書經傳台無養字之解孔氏傳台我
也是

三百里夷二百里蔡五百里荒服三百里蠻二
百里流

劉敞曰予謂唐虞九州州方千里通三千里
也要荒乃在九州外矣夷者言稍以夷禮通
之於春秋譬杞莒也蔡讀如蔡蔡叔之蔡蠻

者兼言蠻俗矣於春秋譬楚越也流讀如流
共工之流此兩者之分夷近而蠻遠蔡輕而
流重王制曰千里之外曰采曰流采亦當作
蔡聲之誤耳

朔南洎

宋祁曰洎疑作泉

改禹徐梁二州合之於雍分冀州之地以為幽
并

周禮疏曰東南曰揚州次正南曰荊州周之
西南不置州統屬雍州即次河南曰豫州為

一道也次正東曰青州次河東曰兗州次正
西曰雍州為二道又次東北曰幽州次何內
曰冀州次正北曰并州為三道若禹貢治水
則為二道又先段下起與此異也然既以徐
梁二州合之於雍青其二道則以冀兗青徐
為一道揚荆豫梁雍為三道

其利麻漆絲枲

愚按周禮作林漆鄭注林竹木也賈疏云地
官山林別官故鄭注云竹木生平地曰林今
許州見平地多林木故云林竹木也大德本

亦作林

民二男三女青州

愚按周禮本作二男二女鄭注云二男二女
數等似誤也蓋當與兗州同二男三女鄭亦
據地理志故疑誤

秦遂并兼四海以為周制微弱終為諸侯所喪
故不立尺土之封分天下為郡縣盪滅前聖之
苗裔靡有了遺者矣

日知錄曰後之文人祖述其說以為靡封建
立郡縣皆始皇之所為也以余觀之殆不然

左傳僖公三十三年晉襄公以再命命先茅
之縣賞胥臣宣公十一年楚子縣陳十二年
鄭伯逆楚子之辭曰使改事君夷于九縣註楚
滅諸小國十五年晉侯賞士伯以夬衍之縣
為九縣成公六年韓獻子曰成師以出而敗楚之二
縣襄公二十六年蔡聲子曰晉人將與之縣
以比叔向三十年絳縣人或年長矣昭公三
年二宣子曰晉之別縣不惟州五年遂啟疆
曰韓賦七邑皆成縣也註成縣賦又曰因其
十家九縣其餘四十縣十年叔向曰陳人聽

命而遂縣之二十八年晉分祁氏之田以為
七縣分羊舌氏之田以為三縣哀公十七年
子穀曰彭仲爽申俘也文王以為令尹實縣
申息晏子春秋昔我先君桓公予管仲狐與
穀其縣十七說苑景公令吏致千家之縣一
於晏子戰國策智過言於智伯曰破趙則封
二子者各萬家之縣一史記秦本紀武公十
年代却翼戎初縣之十一年初縣社鄭吳世
家江餘祭三年子慶封朱方之縣則當春秋
之世滅人之國者固已為縣矣按昭二十九年傳蔡墨言

劉果遷于魯縣則夏后氏已有縣之名周禮
小司徒四甸為縣遠八百里曰縣亦作寰國
王城二百里以內至四百里曰縣亦作寰國
語管子制齊三卿為寰有寰帥十寰為屬
屬有大夫掛字後人轉用為州縣字其縣掛
以縣又加心史記吳王發九郡兵伐齊范蠡
以別之也

對楚王曰楚南塞鴈門而郡江東甘茂謂秦
王曰宜陽大縣名曰縣其實郡也春申君言
於楚王曰淮北地邊齊其事急請以為郡便
匈奴傳言趙武靈王置雲中鴈門代郡燕置
上谷漁陽右北平遼西遼東郡以拒胡又言
魏有河西上郡以與戎界邊則當七國之世

而固已有郡矣哀公二年傳趙簡子誓曰克

郡杜氏註引周書作雅篇千里受縣下大夫受

郡古時縣大而郡小說文周制天子地方四

千里分爲百縣而今按史記吳王及春申君之事

則郡以監其縣今按史記吳王及春申君之事

不始於秦也因吳起爲西河守馮亭爲上黨

守李伯爲代郡守西門豹爲鄴令荀況爲蘭

陵令城渾說楚新城令衛有蒲守韓有南陽

假守魏有安邑令蘇代曰請以三萬戶之都

封太守千戶封縣令趙封馮而齊威王朝諸

縣令長七十二人則六國之未入於秦而固

已先爲守令長矣故史言樂毅下齊七十餘

城皆為郡縣而齊湣王遺楚懷王書曰四國
爭事秦則楚為郡縣矣張儀說燕昭王曰今
時趙之於秦猶郡縣也安得謂至始皇而始
罷侯置守耶傳稱禹會諸侯執玉帛者萬國
至周武王僅千八百國春秋時見於經傳者
百四十餘國又并而為十二諸侯又并而為
七國此固其勢之所必至秦雖欲復古之制
一一而封之亦有所不能而謂罷侯置守之
始於秦則儒生不通古今之見也

北置朔方之州

胡廣記曰漢分雍
州置朔方刺史

通鑑地理通釋曰雍州即漢涼州也以廣之言考之則涼州疆界闊遠分朔方諸郡別置刺史察之是涼州有兩刺史也

兼徐梁幽并夏周之制

通鑑地理通釋曰夏有徐梁而無幽并周有幽并而無徐梁漢兼其制則為十一州

改雍曰涼改梁曰益凡十三部

通鑑地理通釋曰兼夏周之制為十一州新

置交州并司隸所領為十三部

置刺史

通鑑地理通釋曰司隸校尉部按志司隸校

四年初置十三察三部輔三河司隸校尉則今京兆扶風

馮翊弘農河內河南河東七郡昭帝始元元

內屬冀州河東屬豫州刺史部潁川汝南沛

并州本屬司隸部

郡梁魯國凡三郡二國冀州刺史部魏鉅鹿

常山清河郡趙平干宣帝改真定中山信都

河間國凡四郡六國交州刺史部陳留山陽

濟陰泰山東郡城陽淮陽東平國凡五郡三

國徐州刺史部琅邪東海臨淮郡泗水廣陵

楚國凡三郡三國青州刺史部平原千乘濟

南北海東萊齊郡菑川滕東高密國凡六郡
三國荊州刺史部南陽江夏桂陽武陵零南
郡長沙國凡六郡一國揚州刺史部廬江九
江會稽丹陽豫章郡六安國凡五郡一國益
州刺史部漢中廣漢武都犍為越巂益州牂
柯蜀郡凡八郡涼州刺史部隴西金城昭帝
置
天水武威張掖酒泉敦煌安定北地凡九郡
并州刺史部太原上黨西河朔方五原雲中
定襄鴈門上郡凡九郡幽州刺史部勃海上
谷漢陽右北平遼西遼東玄菟樂浪涿代郡

廣陽國凡十郡一國交洲刺史部南海鬱林
蒼梧交趾合浦九真日南七郡後漢與前異
者司隸治河南朔方屬并州建武十一年省朔方交趾
曰交州建安二年改顏氏云武帝初置朔方郡今
州朔方別令刺史監之不在十三州之限
縣北齊召南曰按沈約宋書志曰前漢刺史未有
所治可知漢志不言某州刺史之故又曰
按志于郡下自註屬某州或註或否司隸所
屬惟河南河內註豫冀青兗揚荆幽并交益
皆註徐州惟臨淮無註涼州十郡無註國河

間廣陽留川膠東泗水六安無註

考述詩書推表山川以綴禹貢周官春秋

齊召南曰按禹貢周官志既全載其文于首

又於郡縣下自註古文山川某州數寢至春

秋列國於郡縣下一一自註故某國後又取

國土最大者區陳疆域考正今星前引詩歌

近條風俗為史家志地創造規模勿可及已

春秋經傳所書之國志自有註者成周南河

雒王城河南以外齊齊郡魯魯國衛初封地

又歌徒徙楚邱山陽成武晉初封唐太原晉陽

又徙徙邱東郡濮陽武晉初封唐太原晉陽

舒胡陵春河河大河雍右莒許穎蔡絳喜
六汝汝穀北東陽東扶後初川蔡初絳又
六六陰南筑南芮東風徙地曹後封縣徙
安項陽陽臨左虢楚陽琅定濟徙地宋
國項汝隨晉馮鄭河嘗都城邪陶陰新汝睢
蓼南隨南翅所南遷郢國計滕蔡南陽
蓼六歸陽溫滅榮都南莒介公沛上杞
安秭南厲溫河者陽南郡北邱郡鄭邱初
國歸郡厲隨內西郡江燕邢春故後封
徐羅邠縣鄧虢若陵薊廣褒趙秋鄭徙地
徐臨枝南廖鄧南晉弘吳陽國鄭邑魯陳
淮江郡湖南陽滅農吳會國薛國左東留
邲弦陽陽申之陝繕南燕薛魯河馮北東
邲東軟江頴宛南耿越燕國南珣陳
海夏頴汝陽皮河山會南東邾新鄭陳
戴舒南唐氏東陰搭燕即驕魯鄭縣陽
國梁江廬南陽南魏虞秦國許國

留蕭沛郡年泰山任東平國贈東海介琅邪
向沛郡郵東海邾志平國亢父遂泰山蛇邱
應潁川共河內密河南東不熒潁川西不熒
潁川潁城共泰山須東郡來沛郡陽楚
襄城潁潁災泰山須東郡來沛郡陽楚
傳梁左馮翊焦弘農杜京兆陵肥真定蔡偃陽
陽梁夏陽翊焦弘農杜京兆陵肥真定蔡偃陽
潁無終無右北平驪戎新豐戎蠻新成陸渾農
陸共得七十餘國惟焦杜中應共密其地
名如狄泉雒陽郊鄆河河南有郛康扶風幽扶
風岐右扶風劉河南鞏河南有郛康扶風幽扶
河岐右扶風劉河南鞏河南有郛康扶風幽扶
咸平陽平陽東安邑安邑鵠鵠鵠鵠鵠鵠鵠鵠鵠鵠

厥	蘇	有	甲	周	拳	由	郢	澤	鹽	國	初	太
後	祝	危	之	廟	並	並	鄢	開	無	無	初	原
應	其	風	封	京	與	與	宜	南	闕	闕	城	城
劬	之	郭	上	兆	禹	國	郡	陽	剛	泰	城	河
更	所	斟	黨	明	國	國	鄖	城	山	山	東	東
復	憑	灌	氏	為	陽	穎	江	陽	潁	潁	涂	涂
推	依	斟	號	紀	翟	陵	夏	城	方	魯	水	水
詳	罔	海	御	載	湯	葉	葉	城	國	梁	梗	梗
得	不	之	龍	以	都	南	陽	南	梁	邱	陽	陽
江	燦	所	魯	至	尸	陽	毗	葉	邱	山	次	太
安	若	攘	陽	彭	鄉	毗	陵	商	昌	陽	原	原
陽	列	據	地	祖	堯	毗	會	密	邑	介	費	費
黃	眉	逢	稱	之	山	陵	稽	丹	根	根	東	東
弋	瞭	公	孤	國	中	攜	水	郢	計	計	海	海
陽	如	臨	竹	彭	山	李	郢	南	郢	郢	郢	郢
道	指	胸	令	城	國	會	南	南	逢	逢	平	平
南	掌	伯	支	辛	唐	唐	唐	唐	唐	唐	唐	唐

東菑地諸臨齊句濟阿南陽國淳北安陽
安川如地胸郡陽陰東東陽都于海柏
平國漆而塗瑕邱容武內鮮虞壺上平南
東南山陽如當九瑕山城蒲新中閔黨沈
鄆平陽息塗江邱陽華南蒲河市山楊平汝
東琅陽匡新汝夏犬容邱薄屈鍾東邳
莞邪長陳息南水邱淑沛姑北河離鼓雲江
祝垣留房夏江叔邱郡姑琅屈東鍾九曲鉅杜夏
邱東締吳汝貝邱維幕邱尉離江陽鹿巢
邱海波河房南邱邑陽尉氏鍾巴巢
長原堃河內汶安密鉅泰氏留司東巴舒
封陳軫內葛陽國駢句讀留陳諸陽舒
邱留紀寧陵留陽國邑讀留國陽城州
孟康

又加蒐討于是經傳所書已十得其六七矣
此杜元凱註左所以得有所依据也歟自註
中惟指丹陽郡之丹陽為楚熊繹始封親不
可從餘俱致確

京兆尹

武帝建元六年
分為左內史

齊召南曰按百官公卿表曰內史景帝二年
分置左內史右內史與此不同師古謂據史
記知志誤按史記景紀二年秋但云置內史
殺裊為縣未云分置左右內史也不知師古

何據
船司空

齊名南曰按船司空為謂水入河之口漢世
漕運溯河入渭以達長安其船必由此故有
監作之官耿壽昌言故事歲漕關東穀四百
萬斛以給京師是其舊額武帝用桑弘羊漕
益歲六百萬石其漕渠在船司空南即鄭當
時言引渭穿渠起長安旁南山下至河三百
餘里往易漕者也

華陰

故陰晉秦惠王
五年更名寧秦

齊名南曰按史記秦紀惠文王六年魏納陰

晉更名寧秦非五年也當是轉寫之誤

湖

武帝建元
年更名湖

齊召南曰按建元下脫某年字各本俱然無

可考

南陵

汴水出藍田谷北
至霸陵入霸水

齊召南曰按汴水水經注引此條云漑水出

藍田谷北至霸陵入灞水是也漑灞為閔中

有名之水汴水自是漑水之誤但不知誤始

何時耳師古曰茲水秦穆公更名以章霸

功視子孫按茲水當作滋水古名滋水秦穆

公更名曰灞水耳水經注可証史記正義曰
灞水古滋水也亦名曰藍谷水即此各本俱
誤作茲

左馮翊

襄德

禹貢北條荆山在南下有彊梁原洛水東南入渭雍州

齊召南曰按冠北條二字于荆山上者所以
別南郡臨沮之荆山也禹貢荆山有二雍州
荆岐既旅導所及岐至于荆山左馮翊襄德
者也荆及衡陽惟荊州荆河惟豫州導嶓冢
至于荆山在南郡臨沮者也故于臨沮荆山
亦冠南條二字于其上也

陽陵 故弋陽

宋祁曰弋當作易

右扶風 隃廩 有黃帝子祠

宋祁曰南本黃帝下無子字下同 號

右扶風

汧

吳山在西古文以為汧山雍州山

汧水出西北入渭水出西

王應麟通鑑地理通釋曰禹貢導汧漢志以

為扶風汧縣吳山按龍州汧源縣有汧山汧

水所出非吳山也

德清胡渭禹貢錐指曰

汧一作汧說文有汧字而無汧字周禮雍州

山鎮曰嶽山漢志以吳山為雍州山是吳山
即嶽山也爾雅河南華河西嶽河東岱河北
恒朱長孺云商周之世疑以岍為西嶽故爾
雅職方皆名嶽山水經注沂水出沂縣之蒲
谷鄉弦中谷決為弦蒲數爾雅曰水決之澤
為沂也沂水東逕沂縣故城北會龍魚川水
又東會一水發南山西側俗以此山為吳山
地理志曰吳山在縣西古之沂山也國語所
謂虞矣吳古字虞今按吳嶽班固皆謂即古之
岍山然史記封禪書言自華以西名山大曰

華仙薄山嶽山岐山吳嶽鴻蒙瀆山而無岍
山又析吳嶽與嶽山而為二唐六典閔內道
名山曰吳山亦謂之西鎮山有五峰於諸山
中最為秀異肅宗在鳳翔改吳山為西嶽以
祈靈助愚竊謂吳山漢志雖云在縣西而岡
巒綿亘延及其南與嶽山只是一山自周尊
岍山曰嶽山俗又謂之吳山或又稱吳嶽史
記遂析嶽山與吳嶽為二山而岍山之名遂
隱其實此二山者周禮總謂之嶽山禹貢總
謂之岍山當以漢志為正

弘農郡

盧氏

莽曰昌富

宋祁曰昌富疑作昌當

弘農郡

陝

故虢國有焦城故焦國北虢在
太陽東虢在滎陽西虢在雍州

刊誤補遺曰左傳正義曰宮之奇言虢仲虢

叔晉語稱文王友二虢則虢國本有二按虢

本有二今志以為三者外傳稱虢鄆為大是

其一也西有虞虢是其二也春秋書郭公高

誘曰郭古文虢字是為三虢經書郭公於文

為缺而傳復逸其事莊公六年秦武公之十

一年也是歲减小虢事見秦本紀注引西虢

在雍州為證毅此即所書郭公水經謂雍縣
虢叔國平王東遷自此之上陽為南虢非也
又曰後漢志亦載三虢滎陽有虢亭虢叔
國云者東虢也大陽有下陽城虢邑云者北
虢也陝縣本虢仲國云者則志所謂雍州之
西虢而秦本紀所謂小虢者也滎陽鄭分陝
秦分而大陽晉分也故滎陽之虢為鄭所滅
陝縣之虢次為秦所滅大陽之虢最後為晉
所滅然則虢國不止有二矣蘇黃門云扁鵲
見虢公或疑其妄然戰國之際薛亡久矣而

孟嘗君稱薛公安知是時無虢公者我是又
在三虢之外 又曰孔穎達解虢仲虢叔王
季之謬云仲叔皆文王時虢君字也外傳載
史伯云虢叔恃勢內傳載虢叔自北門入王
命虢仲立晉侯穎達謂不知誰是仲後誰是
叔後按左傳虢仲苾伯梁伯伐曲沃苾梁故
地在馮翊與弘農相邇秦滅虢後苾梁數朝
於秦故帝王世紀以西虢為仲而後書亦以
陝縣為仲國審爾則滎陽大陽三虢為叔國
矣凡傳稱虢仲者即仲之後稱虢叔者即叔

之後蓋仲叔雖始封君之字後世子孫因用
以為稱如趙盾之字為孟而其後皆稱趙孟
也東虢北虢皆為叔後者豈東虢為鄭所滅
而王復封其後邪

弘農郡

互陽

在陂池有鐵官也

齊召南曰按在陂池有鐵官也七字乃郡戶
口下自注有鐵官在陂池誤衍于此

河東郡

羸

霍太山在東冀州

宋祁曰州山一本作代山

通鑑地理通釋曰戰國策曰三川河東在諸

郡之首蓋所以陪輔關中地勢莫重焉即漢所謂三河也漢分三川為河南河內與河東號為三河史記貨殖傳曰昔唐人都河東殷人都河內周人都河南夫三河在天下之中若鼎足王者所更居也建國各數百歲

上黨郡

屯留師古曰屯音純

宋祁曰音純當作音純

襄祖

宋祁曰祖邵本作垣

上黨郡壺關應劭曰黎侯國也今黎亭是

齊名南曰按東郡黎縣下註孟康曰詩黎侯
國以水經注核之孰河東逕黎縣南世謂之
黎侯城又元和志亦曰黎城在鄆城西四十
五里則黎縣為詩黎侯久寓于衛之黎無疑
若應劭所指壺閔之黎則商時侯國尚書西
伯戡黎是也孔安國傳述王圻之諸侯在上
黨東北孔疏即引應劭說且曰黎在朝歌之
西師古于上黨東郡二說並收良是

注

氏

陽谷絕水所出南至壄王入沁
師古曰泣音工玄反

宋祁曰沁別本作泌下同注末工玄反一本

作故立反

河內郡

山陽

東太行山在西北

師古曰行

愚按太行列子謂之太行淮南子謂之五行

古皆作如字讀惟崔伯易感山賦云起而名

工妥為平岡歸乎甚尊其名太行始作戶郎

反此注宜兩存其音

河內郡

修武

應劭曰晉始救南陽今南陽城

書秦昭王越趙長平西伐修武時秦未兼

天下修武之名久矣師古曰瓚說是也

河南郡

戶二十七萬六千四百四十四

宋祁曰予二部本作予三

雒

陽師古曰魚豢云漢火行忌水故去洛水而

危林曰

如真氏說則光武以後改為雒字也左傳遷九鼎于雒邑又伊雒

之戎會雒戎至于雒

雒

周禮豫州川梁雒周代已為雒字

得火德故周忌水而然乎律歷志

以

包後漢禮儀志亦云

是周果木行也

史記夏

本紀踰于雒又伊雒湮澗東

導雒自

熊耳禹世已為雒矣山海經謹舉之山雒水

出焉以門水至河入雒伯益在虞年又已為
雒矣虞土德夏金德也郊祀志又謂夏德木
德亦豈忌水而加佳乎新城郡沮水山海經
左傳作睢水睢水在楚楚不忌水何不除佳
漢之受命非始于洛洛之殺水何忌之有江
淮河漢四瀆之大者皆不去水而獨更於洛
何也高帝建國曰漢傳之百世避忌宜孰有
先者如恭之說漢字便當加佳矣按沈約曆
志曰五德更王惟有二家之說鄒衍以相勝
立體劉向以相生為義張蒼則以漢水勝周

火廢秦不班五德賈誼則以漢土勝秦水以
秦為一代若同蒼黜秦則漢水魏土晉木宋
金若同諡取秦則漢土魏木晉金宋火也難
者云漢高斷蛇而神母夜哭云赤帝子殺白
帝子則漢非火而何斯又不然漢若為火則
當云赤帝不空云赤帝子也白帝子又何義
況乎蓋由漢是土德土生乎火秦是水德水
生乎金斯則漢以土德為赤帝子秦以水德
為白帝子也又按論衡引泉陵紫芝湘水黃
龍之瑞役公孫

漢審土德

則安得以為义行而忌水乎

滎陽有狼湯渠

宋祁曰狼湯邵本作狼浪 愚按邵本非

密故國有大隄山 師古曰隄音隄

宋祁曰音隄當作音塊

東郡 莊平 師古曰莊仕疑反

愚按說文仕當切 宋祁曰莊當作莊

東武陽 禹治漂水東北至千乘入海

宋祁曰漂當作濕

潁川郡 父城

齊召南曰按師古但糾應氏移唐叔事以言
封應之謬耳其實班志自註武王弟武字亦
訛左傳邲晉應韓武之穆也是成王弟也

馮陵李奇曰六國為安

宋祁曰安下當添陵字

汝南郡

莽曰汝汾分
為賞都尉

齊召南曰按汝汾當是汝墳之訛分為賞都

尉當是賞都郡之訛莽改汝南郡曰汝墳郡

又分置賞都郡而改弘祿縣曰賞都亭為賞

都郡治耳

帝世祖更名曰始

劉奉世曰按後淮陽國已有固始此帝疑自
別地

南陽郡

雒

衡山澧水所出
東至鄧入汝

齊召南曰按漢無鄧縣以水經注証之鄧字
自是鄧字之訛鄧潁川郡屬縣也然師古云
鄧音屋則鄧訛為鄧自唐以前之本已然矣

戶三十五萬九千三百一十六

宋祁曰戶三十當作戶四十

鄧

如淳曰鄧音
猶蜀之鄧

劉奉世曰吳芮傳酈音即益反此乃音隋如

音非也

平氏淮水東南至淮陵入淮

齊召南曰按淮陵當作淮浦淮浦故城在今

東安縣淮于此入海淮陵故城在今盱眙縣

西北去海尚遠水經曰淮水東至淮浦入海

是也

南郡江陵秦拔我郢徙東

齊召南曰按徙東當作徙陳此頃襄王二十

一年事也志于九江壽春邑自注曰楚考烈

王自陳從此即與此文相應而各本俱誤作徒東

夷道

應劭曰夷水出巫東入江 宋祁曰巫字下當添山字 齊名南曰按宋說非也夷水出巫縣之巫山志于巫縣自注曰夷水東至夷道入江是也既云至夷道入江則巫山豈在夷道乎

江夏郡

竟陵

章山在東北

宋祁曰章山上當添卽字

廬江郡

晚

胡管反音

宋祁曰管當作綰

山陽郡 都関

齊召南曰古本有君美二字今本無按如古本君美上亦脫芥曰二字

部成

宋祁曰部當作邛

平樂

包水東北至沛入泗

齊召南曰按沛非縣名蓋沛字之誤水經注引此文云泡水東北至沛入泗是也

子武帝元鼎三年徙代王義為清河王兩王

皆都清陽也

涿郡

益昌

莽曰有秩

宋祁曰一作有秩

勃海郡

阜城

宋祁曰南本作阜成

勃海郡

千童

宋祁曰千童當作平童

齊召南曰按宋說

非也自是千萬千字不當作平以水經注証

之可見

平原郡

高唐

秦張言深
永所出

宋祁曰深改作濕下同

平原郡

樓虛

齊召南曰按樓字為楊字之訛文帝封齊悼
惠王子為楊虛侯而後漢光武封馬武為楊
墟侯即此縣也以水經注証之知樓字誤

千乘郡

被陽

宋祁曰被或作彼

泰山郡

莊

宋祁曰莊當作莊

泰山郡

蓋

臨樂子山洙水所出
西北至蓋入池水

齊召南曰按水經注引此文云洙水所出西
北至蓋入泗水或作池字字誤也觀此則道
元以前已誤作入池水矣

南武陽

冠石山治
水所出

齊召南曰按水經注冠石山洛水所出

齊郡

臨淄

齊劭曰齊獻公自營丘徙此臣瓚曰臨淄即
營丘也毛詩疏曰如瓚之言臨淄營丘即
是一地應劭言獻公自營丘徙臨淄是劭之

謬也當云伯薄姑徙臨淄耳

北海郡 平壽

應劭曰古斗尋禹後今斗城是也臣瓚曰斗尋在河南不在此周書度邑篇武王將因有夏之居即河南也師古曰應氏止言斗尋本禹後耳何豫夏國之都乎 刊誤補遺曰按史伯曰黎為高辛氏祝融其後八姓斟姓無後觀此即二斟非禹後蓋黎之後也此誤由夏本紀云其後有斟尋氏斟氏故劭因之瓚論斗尋在河南不在此北海故引有夏之居即

河南為據顏氏乃曰何豫夏國之都豈未喻
璣意耶 愚按今本無璣顏二注得得此辨
乃得存之

平的師古曰的音丁歷反其字從白

宋祁曰的當作昀從日

柳泉荈曰

宋祁曰睦當作陸

樂都侯國荈曰援壘一作技也

石鄉侯國一作止鄉

宋祁曰南本樂都石鄉注皆無一作已下字

壽光

應劭曰古斟灌禹後今灌亭是 刊誤補遺
曰水經云斟灌東郡灌是也原二斟故都蓋
不一處應氏以為在壽光平壽按夏之遺巨
靡奔有鬲氏杜征南謂今平原鬲縣平原與
北海為近則應說為是瓚以為在東郡郡去
河南為近則瓚說亦是然則其歸奈何曰以
冢書有之太康居斟尋羿亦居之相居斟灌
蓋太康失邦而奔斟尋相奔斟灌初斟尋故
國在河南羿遣嗣侯伐之乃棄國而保平壽

此所為斟尋有二城歟不然斟尋未滅羿安
得而居之相之所居在東郡灌而北海復有
灌亭亦類是也或謂汭冢書恐未足深据是
不然其書言桀亦居斟尋按天問湯謀易旂
何以厚之覆舟斟尋何道取之則桀蓋居斟
尋而為商人所取其言與汭冢書若符契然
豈可謂誣也哉王逸注天問云少康滅斟尋
洪慶善郎中云取斟尋者乃有禹澆天對云
康復舊物尋焉保之覆舟喻易幽或艱之承
逸之誤也今以汭冢書考之天問所言斟尋

自是湯伐桀事王逸柳子厚固失之洪說亦未為得

東萊郡 曲成

齊名南曰按郊祀志作曲城武紀祀參山八神於曲城亦作曲城而後書郡國志作曲成與此同

琅

邪郡

朱虛

凡山

丹水

所出

東北

至壽光

入

入維

師古曰

前

言汶

水出

萊蕪

入濟

今此

又言出

朱虛

入維

將柔

欽所

說有

異或

者有

水乎

齊名南

曰按

水經

注曰

丹山

在西南

丹水所

出世謂之凡山丹凡字相類音從字變也據
此則凡山當作丹山然史記封禪書曰公玉
帶曰風后封巨岐伯令黃帝封東泰山禪凡
山合符然後不死徐廣云凡一作丸是本文
自云凡山不云丹山也 按汶自有二禹貢
浮于汶達于濟及導沅水又東北會于汶此
即國風汶水湯湯春秋汶陽之田漢志引桑
欽言出泰山萊蕪西南入濟者也水經注謂
出原山西南流合牟汶北汶柴汶又西南至
安民亭入濟汶水自掩鄉縣四分謂之四汶

口且辨淮南子以東汶為西汶之謬此自顯
然其東汶水不見於古惟漢志始云云水經
注曰伏琛晏謨並言水出朱虛縣東南崕山
山在小泰山東者也按小泰山亦曰東泰山
即周禮職方正東曰青州其山鎮沂山者也
在今臨朐縣南朱虛故城在縣東今汶水自
臨朐東南東北流逕安邱縣北東入濰與漢
志水經酈註故道不異最可疑者新唐志稱
水經為桑欽所撰以漢志攷之竊有未然即
入濟入濰之兩汶水水經並有其文于西汶

經曰汶水出泰山萊蕪縣原山西南過羸縣
南又東南過奉高縣北屈從縣西南流過博
縣西北又西南過蛇邱縣南又西南過岡縣
北又西南過平章縣南又西南過無鹽縣南
又西南過壽張縣北又西南至安民亭入于
濟其東汶經曰汶水出朱虛縣泰山北過其
縣東又北過濰于縣西又東北入於濰其與
漢志源流若合符節何以於西汶獨指桑欽
所言乎又志於丹陽陵陽下自註曰桑欽言
淮水出東南北入大江水經註言東谿水出

橫

補里山北逕陵陽縣東亦引桑欽曰淮水云
云與桐水合之下東若水經為欽作酈道元
不得於此獨斥言其名矣

故山名台水所出東南
至東武入淮莽曰令正

齊召南曰按名台水當作久台水久名字相

近而訛也莽曰令正水經注作合正按入淮

淮即維也志中亦作維亦作淮如朱虛之汶

水曰入維靈門之浯水曰入淮橫縣之久台

水曰入淮折泉之折泉水曰入淮實皆入維

水耳今俗呼此水為東淮河知自漢已然矣

水經注引此志總曰入淮是也

即來莽曰盛睦

宋祁曰睦字當作陸

武鄉莽曰順理

宋祁曰理當作里

折泉折泉水北至莫入淮

齊召南曰按淮無莫縣蓋箕字之訛也水經

注引此文曰至箕縣北入淮是

東海郡承

齊召南曰按承當作承宋本亦誤

平曲

後國莽曰平端

齊召南曰按同名之縣甚多如兩陽城一屬

潁川一屬汝南兩開陽一屬東海一屬臨淮

兩臨朐一屬東萊一屬齊郡兩劇縣一屬北

海一屬菑川兩平城一屬北海一屬雁門兩

宜春一屬汝南一屬豫章兩朝陽一屬南陽

一屬濟南兩溧陽一屬沛郡一屬丹陽兩鄴

縣一屬南陽一屬沛郡兩安定一屬鉅鹿一

屬安定兩安丘一屬北海一屬琅邪兩富平

一屬平原一屬北地兩樂陵一屬平原一屬

臨淮兩東陽一屬臨淮一屬清河西安陽一
屬漢中一屬汝南兩新市一屬中山一屬鉅
鹿此類頗衆然既所屬異郡無嫌同名惟東
海一郡有兩平曲此理之不可解者其自注
一云莽曰平端一云侯國莽曰端平以莽曰
端平推之疑此縣本曰曲平後人轉寫之誤
遂亦作平曲耳存疑於此

臨淮郡 口百二十三萬七千七百六十四

宋祁曰口百二十卻本作百三十

徐故國
子章
為楚
所滅

劉奉世曰為吳所滅非楚也誤

臨淮郡 蘭陵

齊召南曰按與東海縣同名而宋本作蘭陽

會稽郡秦置高帝六年為荆國十二年更名吳景帝四年屬江都屬揚州

劉敞曰景帝四年封江都王并得鄣郡而不

得吳名曰江都然則會稽不得云屬江都

丹陽郡故鄣郡屬江都武帝元封二年更名丹陽屬揚州

劉敞曰秦分三十六郡無鄣郡鄣郡之置又

不知何帝按吳王濞傳王三郡謂會稽豫章

故鄣也廣陵國註云易王非屬王胥并得鄣

郡而不得吳然則吳與鄣皆非郡明矣實說
武帝以故鄣地為丹陽郡後人追書吳地故
云三郡此註但當云故鄣屬江都武帝置丹
陽郡不知傳寫誤故若此或班氏亦自誤也
又故鄣地名自有故耳又以其似言故物遂
益郡字皆非也

涇
韋昭曰涇水出蕪湖

宋祁曰邵本蕪作毋

丹陽
楚文先熊繹所封

日知錄曰按史記楚世家成王封熊繹於楚

居丹陽徐廣曰在南郡枝江縣水經注曰丹陽城據山跨阜周八里二百八十步東北西面悉臨絕澗西帶亭下溪南枕大江峻峭壁立信天固也楚熊繹始封丹陽之所都也地理志以為吳子之丹陽尋吳楚悠隔縵縵荆山無容遠在吳境非也山海經注丹山在丹陽南郭璞注今建平郡

胡孰

丹陽城稱歸縣東七里

宋祁曰胡當作姑

豫章郡

黠漸江水出南蠻夷中東入海

宋初曰武陵有漸水東入沅澠此無漸水漸字當作浙字

桂陽郡有鐵官

宋初曰鐵官邵本作金官

武陵郡 鐔成

宋初曰鐔字或作潭

廣漢郡

梓潼

應劭曰潼水所出南入墊江墊音徒決反

宋初曰巴郡注墊音重墨之墨

蜀郡 秦置有小江入并行千九百八十里

宋初曰南本改并作閔亦未允

旄牛

南出大非入繩過郡二行千六百里

劉奉世曰里數蓋誤

蜀郡

湔氐道

禹貢嶧山在西徼外江水所出東南至江都入海過郡七行二

千六百里

齊名南曰按里數大誤江為南紀巨川自蜀

至海地極東西即以地形直計亦五六千里

況水道紆曲乎淮濟雖名為瀆實不能及大

江之半而志於淮水曰行三千二百四十里

於沅水曰行千八百四十里何獨於大江計

源及委不及三千里乎且湘也漢也沅也皆

入江之支水也。漢由西縣東南至江州入江。
曰行二千七百六十里。湘由零陵北至酃入
江。沅由故且蘭東至益陽入江。並曰行二千
五百三十里。信如志言。是江之遠自西塞。蟠
折巴蜀。襟帶荆揚。其里數僅與湘沅相埒。又
反不如漢水之遠矣。此其為轉寫之誤。灼然
易知。按宋本旄牛下自注。鮮水若水云云。下
有劉奉世曰。里數蓋誤八字。夫鮮若源出徼
外。其所行里數本難推測。疑此八字當注於
此條之下。

益州郡 健伶

宋祁曰健字邵本作建

柯柯郡 談指

愚按華陽國志云按漢書談指縣出丹注云有不津江江有瘴氣今本無之

隴西郡 氏道禹貢養水所出至武帝為漢

齊召南曰按養當作漾志引禹貢嶧冢道漾既作漾則此處亦當作漾也但師古注養音弋向反則自唐以前本已作養字矣

金城郡 令居澗水出西北塞外

齊召南曰按水經注澗水作閔水

白石

莽曰順礫

宋祁曰礫一本作樂

河閔

齊召南曰按水經注引此志云宣帝神爵二年置今本破羗縣下有此文不知本在河閔縣下而後人誤移於破羗縣下歟抑河閔與破羗俱有此文而一存一脫歟又按宣紀神爵二年置金城屬國以處降羗志亦不言金城屬國治何地

武威郡

故匈奴休屠王地武帝太初四年開

齊召南曰按武紀元狩三年秋匈奴昆邪王

殺休屠王并將其衆來降置五屬國以處之

以其地為武威酒泉郡豈至太初四年乎志

與紀自相矛盾自應以紀為實師古於此不

加考辨何也

鸞鳥

宋祁曰鳥即本作鳥

張掖郡故匈奴昆邪王地武帝太初元年開

齊召南曰按武紀武威酒泉置於元狩二年

至元鼎六年分武威酒泉地置張掖敦煌郡
是武威酒泉二郡之置最先張掖敦煌次之
俱不俟至太初而後建郡也志於張掖酒泉
並曰太初元年開誤矣酒泉本與武威建郡
同時張掖稍在其後若如志所言武威以太
初四年置則是武威之置不與酒泉同時碩
反在張掖之後矣

刪

丹桑欽以為道弱水自此西至酒泉合黎

居延北居延澤在東古文以為

流沙

尚書疏曰傳云合黎水名在流沙東如志之

言酒泉郡在張掖郡西居延屬張掖合黎在
酒泉則流沙在合黎之東與此傳不合案經
弱水西流水既至于合黎餘波入于流沙當
如傳文合黎在流沙之東不得在其西也
又曰計三危在居延之西太遠矣志言非也

日勒

齊召南曰按自注但曰都尉治而玉海引此
謂張掖屬國都尉治日勒則都尉上脫屬國
二字矣

敦煌郡
武帝後元年
分酒泉置

齊召南曰按武紀分武威為張掖分酒泉為敦煌皆在元鼎六年又紀于太初元年書煌從東方飛至敦煌則置郡久矣

淵泉

宋祁曰一本作拼泉

北地郡直路沮水出東

宋祁曰洛毅作路

歸德

宋祁曰景本無德字

上郡秦置

日知錄曰秦分天下為三十六郡其中西河
上郡則因魏之故雲中鴈門代郡則趙武靈
王所置上谷漁陽右北平遼西遼東郡則燕
所置史記不志地理而見之於匈奴之傳孟
堅志皆謂之秦置者以漢之所承者秦不言

魏趙燕爾

西河郡

鴻門

祠有天封宛火井
從地出也

張衡南都賦曰天封大狐列仙之陬

水經

注曰圓水又東逕鴻門縣縣故鴻門亭地理
風俗記曰圓陰縣西五十里有鴻門亭天封

宛火井廟火從地中出

五原郡 南興

齊召南曰按水經注於雲中北興縣曰五原有南興故此加北据此則縣當作南興不當作南興也

鴈門郡 汪陶孟康曰

宋祁曰景本作汪音枉

代郡 班氏秦地圖書

齊召南曰按秦地圖書即高祖入關蕭何收秦丞相御史圖書以具知天下阨塞戶口多

沙強弱之據者也凡誌言謀鄉秦置秦某年
更名據此圖書知之其引圖書則代郡班氏
及琅邪郡長廣縣下自註曰奚養澤在西秦
地圖曰劇清地此其明証三輔黃圖云石渠
內藏入秦府所得圖書然則漢世寶貴此書
同於圖球刀訓矣

鹵城

鹵城合入鹵河東至參

齊名南曰按參合當是參戶之訛參戶勃海
郡屬縣也故下文曰過郡九若其東至參合
入鹵沱別同在一郡安得云過郡九乎且參

合故城在北塞之外限以重山庠沱既北至
參合又安能復南注勃海乎哉

漁陽郡

白檀

北蠻夷水出

齊召南曰按水經注引此文曰濡水出縣北

蠻中是古本作濡水也然師古注洫音呼鵠

反則唐初本已作洫字矣

右北平郡

後靡

濕水南至無終東入庚

宋祁曰濕當作澤

遼西郡

肥如

海玄水東入濡水濡水南入玄

宋祁曰

入玄當作入蓄

愚按水經注曰魏

氏上地記曰肥如城西十里有濡水南流注
逕孤竹城西右合玄水也謂之小濡水非也
水出肥如東北玄溪西南流逕其縣東東屈
南轉西迴逕肥如縣故城南西南流右合盧
水桑欽說盧子之書言晉既滅肥遷其族於
盧水盧水有二渠號小沮大沮合而入于玄
水盧水又南與溫水合水出肥如城北西流
注于玄水地理志曰盧水又南入玄水玄水
又西南逕孤竹城北西入濡水故地理志曰
玄水東入濡蓋自東而注也景文改玄為畜

不知何意疑是傳寫之誤志作畜景文改作

玄爾

遼東郡

遼陽

大梁水西南至遼陽入遼

齊呂南曰按志通例無有水出本縣即云至

本縣入某水者此至遼陽疑當作至遼隊而水經注引此亦曰至遼陽不可解也

鬱林郡

說文鬱壘百艸之華遠方鬱人所貢芳艸合

釀之以降神鬱今鬱林郡也

臨塵

朱涯水入鎮方又有斤貢水

東郊曰員邵本作南

日南郡 比景

刊誤補遺曰攷古編云舊唐志景州北景縣
晉將灌邃破林邑五月五日即其地立表表
在北而日影在表南郡名日南則縣為比景
固相應按唐命太史徃安南測候日影夏至
影在表南與灌邃同郡得名固以此然王充
書謂日南郡有徙民還者問之云日中之時
所居之地未能在日南也蓋日南郡縣惟五
月日影在南常時影不在南亦不在北故水

經云北讀為蔭。蔭之。蔭言影為身所蔭。以爾雅所謂距齊州以南戴日者也。漢民徙者但以常時所見言之。北景音蔭。影水經言是也。若列缺倒景則謂日月之光皆倒在下。又與蔭影音訓不同。

廣平國

曲周

建元四年置

齊召南曰按水經注鄆商以高帝六年封曲周侯為侯國。知曲周舊縣非始孝武矣。此論足以糾志之失。

中山國

安險

莽曰寧

信

宋祁曰寧險卻本作寧陰

信都國

景帝二年為廣川國

劉敞

曰景帝前二年初封王子彭祖為廣川

王都信都四年徙趙國除為信都郡中二年

封皇子越為廣川王傳國至王汝陽廢當甘

露四年也百官表成帝永始二年有信都太

守是廣川削國除為信都郡矣後漢志劉昭

註云安平故信都高帝置之親此信都下註

當云高帝置景帝二年為廣川國宣帝甘露

四年復故又按志云景帝增六郡若信都高
帝置則不及此數疑註當云景帝前二年為

廣川國宣帝四年復故也

河間國

弓高

滹沱河別河首受滹沱河東至平舒入海

齊召南曰按當云東至東平舒入海東平舒

勃海郡屬縣也脫東字便疑向代郡之平舒

縣矣

留川國

故齊文帝十八年別為國後并北海

劉敞曰按留川與漢俱不見并北海時至建

武年乃省留川入北海耳

東平國
亢父詩亭故詩國

齊召南曰按春秋襄公十三年取郕杜預注
亢父縣有郕亭即此郕公羊作詩漢志亦作
詩是用公羊說也

城陽國 陽都應劭曰齊人遷

齊召南曰按如應說則陽都是陽本國則齊
遷陽於此地東海郡都陽下云侯國應是以

師古並存之陽都故城在今沂水縣南漢高

帝封丁復為陽都侯是都陽漢志自註侯國

蓋元帝封城陽戴王子音為都陽侯國也

楚國戶十二萬四千七百三十八

宋祁曰十二邵本作十一

本秦京師為內史分天下作三十六郡

通鑑地理通釋曰晉地理志云始皇初并天

慙艾戰國削罷列侯分天下為三十六郡內

史漢三輔及三川漢南河內河河東南陽南郡

九江漢並鄣郡漢改為會稽漢並潁川漢並碭郡

漢梁泗水漢改為薛郡漢魯東郡琅邪因之

齊郡漢齊上谷漁陽右北平遼西遼東代郡

鉅鹿邯鄲上黨太原雲中漢並九原漢改為

雁門上郡隴西北地漢中巴郡蜀郡漢並黔

中漢改為長沙武陵郡長沙漢國凡三十六郡於是興師
喻江平取百越置桂林漢改為南海治番禺
象郡漢改為閩中徐廣曰治候官合四十郡
郡郡一守焉其地則西至洮而北沙漠東紫
西帶皆臨大海秦紀云地東至海暨朝鮮西
至臨洮羌中南至北嚮戶北據河為塞並陰
山至遼東周書作雒篇千里百縣縣有四郡
說文周制天子地方千呂氏曰春秋之時郡
里分為百縣縣有四郡
屬於縣趙簡子誓衆所謂上大夫受縣下大
夫受郡是也戰國之時縣屬於郡秦紀惠文

十年魏納上郡十五縣是也方孝公商鞅時
并小鄉為大縣縣一令尚未有郡牧守稱及
魏納上郡之後十餘年秦紀始書置漢中郡
或者山東諸侯先變古制而秦效之欤按戰
國策楚王以新城為主郡以此攻之郡之所
治必居形勢控扼之地郡者縣之主故謂之
主郡又曰漢高祖紀有東陽郡吳郡郢郡
灌嬰傳有豫章郡皆非秦郡蓋楚漢之際所
置

晉書地理志曰漢分內史為三郡更置郡國
二十有三挂陽江夏豫章河內魏郡東海楚
國平原梁國定襄泰山汝南淮陽千乘東萊
燕國清河信都常山中山勃海廣漢汲郡合
二十三三內史者河上渭南中地武帝改以
為京兆馮翊扶風是為三輔文增殿九廣平
城陽淄川濟南膠東河間廬江衡山武帝改
衡山曰六安景加其四濟北濟陰山陽北海
宣帝改濟北曰東平武帝開越攘胡初置十
七南海蒼梧鬱林合浦交趾九真日南珠崖

儋耳九郡平西南夷置牂牁越巂沈黎汶山
犍為益州六郡西置武都郡又分立零陵郡
合十七郡拓土分疆又增十四郡農臨淮西
河朔方酒泉陳留安定天水玄菟樂浪廣陵
敦煌武威張掖昭帝少事又增其一金城至
平帝元始二年凡新置郡國七十有一與秦
四十合一百一十有一通鑑地理通釋曰
按晉志云郡國一百一十一而漢志止一百三
以秦郡改之南海因舊名桂林更名鬱林象
郡更名日南閩中元封元年虛其地則四十

郡省者一因改者三漢初未定兩粵止有三
十六郡通典謂新置六十三與秦四十合百
三亦未改此也以武帝初置郡改之天漢四
年并沈黎于蜀始元五年罷儋耳臨屯真番
地節三年并汶山于蜀初元三年罷珠厓凡
省六郡而臨屯真番元封三年開朝鮮所置
者晉志不載則并省者四除八郡正合漢志
一百三之數按史記平準書漢連兵三歲誅
羗滅南越番禺以西至蜀南者置初郡十七
即晉志所謂初置者南海至儋耳九郡皆南

越地武都至汶山五郡皆西南夷地夜郎為
犍為滇為益州并零陵為十七郡酒泉武威
張掖敦煌本匈奴昆邪休屠地是為河西四
郡并金城謂之河西五郡又定朝鮮為四郡
樂浪玄菟在遼東之東通典云今為東夷之
地臨屯治東曉真番治雪見于茂陵書又擊
匈奴取河南地築朔方亦初郡也元朔置蒼
海三年而罷元始置西海中興而廢故志不
著隴西天水安定北地上郡西河是為六郡
名將多出焉北地朔方五原雲中定襄鴈門

軼郡西河是為緣邊八郡除北地西河而益
右北平上谷漢陽是為緣邊九郡存其國號
而屬漢者曰屬國置都尉安定上郡天水五
原張掖是為五屬國其後金城西河北地亦
置焉按武帝初置無象郡昭紀元鳳五年罷
象郡分屬鬱林牂柯而史不書建置之始蓋
闕文也賈捐之建議棄珠厓曰制南海以為
八郡是時儋耳已并屬珠厓矣又曰凡中
國為內郡宣元成紀所謂內郡國也緣邊有
夷狄障塞者為外郡又按馬援說楊廣曰前

按輿地圖見天下郡國百有六所當攷

道三十二 按百官公卿表邑有蠻夷曰道志

中縣邑之以道名者得二十九南郡一夷道
也零陵二營道泠道也廣漢三旬氏道剛氏
道陰平道也蜀郡二嚴道蒲氏道也犍為一
犍道也越雋一靈關道也武都五故道平樂
道嘉陵道循成道下辨道也隴西四狄道氏
道羗道予道也天水四戎邑道綿諸道略陽
道礪道也安定一月氏道也北地三除道略
畔道羨渠道也上郡一雕陰道也長沙國一

連道也尚缺其三以後書郡國志証之則蜀
郡之汶江道綿鹿道武都之武都恰與道三
十二之數相合此志於三縣不言道殆亦闕
文耶

按五屬國通典曰天水安定上郡張掖五原
也志於天水勇士縣曰屬國都尉治滿福於
安定三水縣曰屬國都尉治於上郡龜茲縣
曰屬國都尉治於五原蒲澤縣曰屬國都尉
治惟張掖未言屬國都尉治何地內奴傳右
賢王犁汙王四千騎今三隊八日勒屋蘭番

和張掖太守屬國都尉發兵擊大破之屬國
都尉郭忠封成安侯自是後匈奴不敢入張
掖王海引此志云張掖屬國都尉治日勒
侯國二百四十一

齊召南曰按此據孝平時言凡元始以前封
邑已除為縣者不在其數故高祖功臣惟存
鄼侯武帝功臣僅見騏侯開陵當塗龍額今
以志之注明侯國者考于各表為疏於左方
其不可考則闕

東河騏

駒幾武帝封

川賴

成安

郭忠宣帝封

三

陽南

復陽	樂成	新都	安衆	鄧武	成陽	安陽	歸德	宜春	周承休
子長	宣帝	許帝	王莽	帝何	趙帝	王音	元帝	王封	無封
延沙	帝頃	延壽	子丹	紹定	高祖	成	賢封	昭帝	嘉武
年王				封					

夏江					留陳			南汝
鍾武	博望	紅陽	春陵	博山	長羅	博陽	安昌	安成
度長	許舜	王立	買長	孔光	常惠	丙吉	張禹	王崇
沙頃	宣帝	元帝	沙定	成帝	宣帝	宣帝	成帝	元帝
王子	封	封	王子	封	封	封	封	封

						陽山	江廬
汶	公邱	西陽	栗鄉	鄭子梁	中鄉	爰城	博鄉
子趙	子魯	王東	王東	子梁	子梁	封趙	子六
月敬	順共	子平	子平	王延	建長	商元	安霸
舍肅	王	並思	護思	年	武年	帝	繆王
					初宣		
					存帝		

		郡沛					江九
建成	敬邱	廣戚	曲鄉	留鄉	平樂	郃成	當塗
帝黃		魯共	子梁	子梁	子梁	成侯	封魏
霸宣		王王	荒王	就王	遷王	王奉	不害
		子子				光宣	武帝
		子將				帝封	
		○					

安	武	歷	新	邯	邯	祁	高	扶	建
鄉	陶	鄉	市	溝	會	鄉	柴	陽	平
子趙	王廣	子廣	王廣	子趙	王趙	子梁	子梁	帝韋	宣杜
喜哀	子川	必川	子川	偃頃	子敬	賢夷	發敬	封賢	帝延
王朝	繆勝	繆吉	繆	王仁	肅	王	王	宣	封年

王

山	常			鹿	鉅	郡	魏		
封	栢	樂	安	象	平	即	平	高	栗
斯	鄉	信	定	氏	思	裴	阿	子梁	王趙
子趙	子趙	王廣	子燕	王趙	宣許	王趙	帝王	辟敬	子敬
胡敬	買哀	子川	賢刺	子敬	帝廣	子敬	封諱	王樂	肅
傷肅	王彊	繆	王賀	肅	封漢	道肅	元		

王

海勃

參戶

高郭

西鄉

益昌

利鄉

成中

州鄉

信鄉

都鄉

樂陽

王河子悅

王河子悅

王廣子容

王廣子嬰

王中山子安

王中山子喜

王河子禁

剛王子親即信鄉之誤

子趙景王

子趙悅王

郡汲河清

修市

新昌

阿武

陽鄉

臨鄉

良鄉

樊輿

廣望

東陽

平臺

王清河子寅

王清河子寅

王河子發

王廣子發

王廣子定

王中山子靖

王中山子靖

王中山子靖

王清河子剛

帝封元宜

齊郡北海

新	詔	羊	平	樂	平	劇	劇	北	挑
減	鄉	石	城	望	的	王	魁	鄉	山
王	王	王	王	王	王	子	王	王	王
子	子	子	子	子	子	錯	子	子	子
振	理	四	邑	光	戴	懿	黑	譚	欽

減	上	樂	密	饒	柳	平	執	平	挑
鄉	鄉	都	鄉	泉	望	城	廣	鄉	鄉
王	王	王	王	東	王	子	李	王	東
子	子	子	子	戴	子	息	廣	子	平
安	歆	訢	林	王	南	懿	侯	宣	頃
				子	陽		則		
				疆	膠		非		
							此		
							平		
							廣		
							侯		
							失		

按表廣侯使平服侯李希

膠陽 琅邪 虛水 城陽 項

臨原

祓

稭 齊孝王

茲 鄉 城陽 子惠

高 廣 城陽 子荒 熟

柔

麗 按表有麗茲 侯高密頃王子

伊 鄉 城陽 戴 王子遷

東陽樂

餅 苗 子靖

零 段 按表有零茂扶澤城陽頃 季疑即此因而字盡訛耳

雲 齊孝王

卓 虞 膠東 康 昌

箕 城陽 子荒

高 鄉 城陽 子惠

即 來 城陽 子荒

武 鄉 高 密 頃

新 山 王 子慶

魏其 昆山 折泉 房山 駟望 高陵 石山 蘭祺 山鄉 容邱

子魯子魯子魯王城成翟帝冷王城王城王城王膠
方安綰孝臨安子陽帝方封廣子陽子陽子陽子東
山王江王原王元戴封進元勇荒根荒光荒昌康

高陽 參封 博石 慎鄉 安邱 臨安 良成 南成 建鄉 東安

子魯孝王	貞陽王	子魯文德王	王膠東王	高密王	王城陽王	帝封戴	薛宣成
傳六世子			共	頃	荒嗣		

章琅

安	衰	廣	開	都	建	武	陰	平	建
平	平	平	陵	平	陵	陽	平	曲	陽
帝王	王廣	王廣	封成	王城	子魯	帝史	子楚	王廣	子魯
封舜	子陵	子陵	封堯	子陽	遂孝	封丹	四孝	子陵	咸孝
宣	慶	厲	取武	邱荒	王	成	王	曾厲	王

絕帝

陽桂

淮臨

陽	樂	蘭	昌	高	昌	新	郢	都	于
山	陵	陽	陽	平	慮	陽	鄉	陽	鄉
王長	帝史	廣	王泗	帝魏	子魯	子魯	楚魯	王城	王泗
子沙	封高	按陵	子水	封相	如孝	永頃	思頃	子陽	子水
宗孝	宣	表孝	霸疾	宣	王	王	王	音戴	定勤

作王

蘭子

陵空

子光

零都梁長沙定王子

廣陽臺

信樂鄉河間獻王

西梁廣川戴王

東昌清河剛王

按總計云侯國二百四十一而志中自注侯

國者僅一百九十一國缺五十國今按如泰

山之式城陽荒

沛郡之東鄉梁敬王

臨都梁敬王

泉陵長沙定王子賢

曲梁平干敬王

平隄河間獻王

昌成廣川繆王

富陽東平思王

懷陽梁敬王

山陽郡之瑕丘魯哀王

臨淮郡之西平宣帝封

延鄉李元帝封

濟陰郡之宛昭帝封

齊郡之廣饒金日磾封

臨朐王子孫

牟平齊孝王

陽石膠東頃王子度。按表作陸石侯陸字誤也

東郡之樂昌宣帝封王武。表在汝南

濟陰郡之成陽楚思王

豫章郡之海昏昌邑王賀

千乘郡之高昌武帝封

樂安東平王

涿郡之鄭高郭侯後

臺鄉王子孫

東萊郡之平度王子衍

徐鄉膠東共

陳留郡之外黃淮陽憲王孫固

江夏郡之安陸楚思王

代郡之廣昌河間孝王

零陵郡之夫夷長沙頃王子義

中山國之安國趙共王子音

廣陽國之方城廣陽繆王子宣

平鄉平干頃王子壬

昭陽長沙刺王子賞

中不注蓋闕文也

地東西九千三百二里南北萬三千三百六十八里

尚書疏曰驗其所言山川不出禹貢之域山

川載地古今必同而得里數異者堯與周漢

其地一也尚書所言據其虛空為路方宜而

信都國之挑廣川繆王子良

廣平國之平利平干頃王子世

長沙國之承陽長沙刺王子景

皆哀平之間現在志

計之漢書所信乃謂著地人跡屈曲而量之
所以數不同也通鑑地理通釋曰林氏云
漢山川不出禹貢分域而里數倍加者古今
尺步不同吳氏云南北萬三千餘里舉朔方
日南而言三方之開皆自好事之臣西南夷
發於唐蒙司馬相如兩粵起嚴助朱買臣朝
鮮由涉何昔者堯禹之德訖于四海而地不
盡四海故地不足而德有餘若漢則廣地而
已秦地南不遇閩粵北不可太原漢又廣於
國也秦笑凡中國為內郡宣元成紀所謂內郡
說揚廣曰前按輿地圖見天下郡國百有六

所當楊雄曰大漢左東海右渠搜前番禺後
陶塗東南一尉西北一侯注云會稽東部都
尉燉煌玉門閼侯

群可懇不可壑

宋祁曰可懇下越本無不可懇三字淳化本
無不壑二字卽本無可字

民戶千二百二十三萬三千六十二口五千九
百五十九萬四千九百七十八

齊呂南曰按帝王世紀曰民戶千三百二十
三萬三千六百一十二口五千九百一十九

漢四計四計八人皇甫謐所計戶口必
本此志而數目參差將轉寫之誤耶抑所見
古本固有不同耶

劉向略言其地分

宋祁曰地字景本作域

昔伯益知禽獸

毛詩秦風疏曰地理志稱孝王云昔伯益知
禽獸是知其言語也僖二十九年左傳說介
葛盧聞牛鳴而知其音賈逵云伯益曉是術
蔡邕云伯翳綜聲於語鳥葛盧辨音於鳴牛

是伯翳知禽獸之言也

廼封為附庸邑之于秦今隴西秦亭秦谷是也
齊召南曰按此隴西非郡名言隴縣之西有
秦亭秦谷即是其地隴縣屬天水郡後書郡
國志隴有大坂名隴坻礪坻聚有秦亭注云
秦之先起於此

南賈渙雙渙雙僅

宋祁曰渙雙二字當刪

西近邛苻苻馬旋牛

宋祁曰當刪一苻字

魏地中平鵬參之分野也其界伯高陵以陳盡河
東河內南有陳留及汝南之名陵隱疆新汲西
華長平潁川之舞陽鄧許偃陵河南之開封中
牟陽武酸棗卷皆魏分也

日知錄曰按左傳子產曰遷寔沈於大夏主
參故參為晉星然其疆界亦當至河而止若
志所列陳留已下郡縣並在河南於春秋自
屬陳鄭二國角亢氐之分也不當併入魏本
都安邑至惠王始徙大梁乃據後來之疆土
割以相附豈不謬哉

鄴臣封紂子武庚庸管叔尹之衛蔡叔尹之以
監殷民謂之三監

毛詩邶風疏曰王肅服虔皆依志為說鄭不
然者以書傳曰武王殺紂立武庚繼公子祿
父使管叔蔡叔監祿父祿父及三監叛言使
管蔡監祿父祿父不自監也言祿父及三監
叛則祿父已外更有三人為監祿父非一監
矣古文尚書蔡仲之命曰惟周公位冢宰正
百工群叔流言乃致辟管叔于商因蔡叔于
郭鄰降霍叔于庶人三年不齒則以管蔡霍

三叔為三監明矣孫毓亦云三監當有霍叔
鄭為長然則書叙唯言伐管叔蔡叔不言
霍叔者鄭云蓋赦之也王制使大夫監於方
伯之國國三人謂使大夫三人監州長也此
為殷民難化且使監之武庚又非方伯不與
王制同也

遷卬庸之民于維邑故卬庸衛三國之詩相與
同風

毛詩卬風疏曰如志之言則康叔初即兼彼
二國非子孫矣服虔依以為說鄭不然者以

周之大國不過五百里王畿千里康叔與之同反過周公非其制也

即又曰亦流于淇河水洋洋

師古曰今即詩無此句

愚按當是瀰瀰之誤

故參為晉星

蔡邕月令章句曰自畢六度至井十度謂之實沈之次晉之分野

初洛邑與宗周通封畿東西長而南北短短長相覆為千里即古曰宗周鎬京也方八百里八維邑成周也方六百四里為方六百里也里者三十六一方鄰得百里者百方千里也

憑按毛詩王風疏引此以為臣瓚之言師古
襲用之

自柳三度至張十二度謂之鶉火之次周之分
也

左傳疏曰漢書地理志分郡國以配諸次其
地分或多或少鶉首極多鶉火甚狹徒以相
傳為說其源不可得而聞之

自胡公後二十三世為楚所滅

宋祁曰世字下淳化本有亦字

自東井六度至亢六度謂之壽星之次鄭之分

野與韓同分

齊召南曰按壽星之次星曰角亢律歷志曰
壽星初軫十二度中角十度終於氐四度安
在其為自東井六度至亢六度也夫自東井
十度至柳三度為鶉首之次秦之分野也柳
七星張為鶉火之次周之分野也翼軫為鶉
尾之次楚之分野也豈有自辰至未遠及四
次以為一地之分星乎哉二句明係轉寫之
訛愚按依蔡氏月令章句空云自軫六度
至亢六度

趙冲山地薄以衆

宋祁曰中山地下別本又一地字

彈拉跼謂師古曰跼音它類反跼字與展同展

演繁露曰案今人夏月以生帛為屨其三面

稍隆起惟當脚跟處正低即師古所指也

以詐力相傾

宋祁曰一本傾下有務字

於天文別屬燕

蔡氏月令章句曰自胃一度至畢六度謂之

大梁之次趙之分也

夫樂浪海中

劉敞曰夫字空屬上句

自危四度至斗六度謂之析木之次燕之分也
齊呂南曰按析木之次星曰尾箕律歷志曰
木初尾十度中箕七度終於斗十一度此言
一次之全度也燕地祇占尾箕不及南斗何
緣自危四度至斗六度乎若順數則自危至
斗幾乎週天矣若逆而數之則自危而虛而
女而牽牛而南斗全非尾箕又何以云析木
之次也此必轉寫之誤 愚按依蔡氏月令

漳洧云柏云瓠云至斗六度
齊地虛危之分也

蔡氏月令章句曰自須女二度至危十度謂
之玄枵之次齊之分野

皆齊分也

宋祁曰一本作分地

可不慎哉

宋祁曰慎疑作憤

魯地奎婁之分也

蔡氏月令章句曰自壁八度至胃一度謂之

降婁之次薄之分野

東平須昌壽張皆在濟東屬魯非宋地也當考
日知錄曰於宋地下云今之沛梁楚山陽濟
陰東平及東郡之須昌壽張皆宋分也於魯
地下又云東平須昌壽張皆在濟東屬魯非
宋地也當攷此並存異說以備攷當小注於
下而誤連書者也

宋地房心之分壘也

蔡邕月令章句曰自亢八度至尾四度謂之
大火之次宋之分野

昔堯作游城

陽

如淳曰成陽在定陶今有堯冢靈臺

日知錄曰

漢書地理志

濟陰

成陽

有堯冢

靈臺

臺後漢書章帝紀元和二年二月東巡狩使

使者祠唐堯于成陽靈臺安帝紀延光三年

二月庚寅使使者祠唐堯于成陽皇覽云堯

冢在濟陰成陽皇甫謐帝王世紀云堯葬濟

陰成陽西北四十里是為穀林水經注城陽

西二里有堯陵陵南一里有堯母慶都陵於

城為西南稱曰靈臺

後漢堯母碑曰慶都遷

名曰鄉曰崇仁邑號修葺皆立廟四周列水

潭而不流水澤通泉泉不耗竭至豐魚筍不
敢採捕廟前並列數碑括柏成林二陵南北
列馳道逕通皆以磚砌之尚修整堯陵東城
西五十餘步中山夫人祠堯妃也石壁階墀
仍舊南西北三面長櫟聯蔭扶疏里餘中山
夫人祠南有仲山甫冢冢西有石廟羊虎破
碎略盡於城為西南在靈臺之東北宋史神
宗熙寧元年七月七日卯知濮州韓鐸言堯陵
在雷澤縣東穀林山陵南有堯母慶都靈臺
廟請敕本州春秋致祭置守陵五戶免其租

奉洒埽役之成陽在漢為濟陰屬縣北齊廢
復廢今曹州東北六而集古錄有漢堯祠及
十里故雷澤城是也
堯母祠碑是廟與碑宋時猶在也然開寶之
詔帝堯之祠乃在鄆州今在東平州東北三
意者自石晉開運之初黃河決于曹濮堯陵
為水所浸乃移之高地乎而後代因之不復
考正矣

衛地營室東壁之分基也

蔡氏月令章句曰自危十度至壁八度謂之
承韋之次衛之分野

楚地翼軫之分

地

蔡氏月令章句曰自張十二度至軫六度謂之鶉尾之次楚之分野

內滅陳魯之國

劉攽曰嚴王未嘗滅魯也

果蓏羸蛤

愚按史記作果隋正義曰隋今為搖音同上古少字也羸力和反果搖猶搖疊包裹也今楚越之俗尚有裹搖之語楚越水鄉足螺魚鱉民多採捕積聚搖疊包裹煮而食之班固

不曉襄搖之方言修太史公書述地理乃改云果於羸蛤非太史公意班氏失之也

又封周章弟巾於河北是為北吳後世謂之虞刊誤補遺曰按周章之弟世家作虞仲志作吳中吳聲轉而為虞仲中古字通則吳中即虞仲矣然周本紀以虞仲為太伯之弟而世家與志以虞仲為周章之弟者按周章弟其初自有名而史失之方武王封周章弟為虞公本以為逸民虞仲之後當時因以虞仲目之如二虢之後稱虢仲虢叔趙盾之後稱趙

孟也張守節云周章弟名仲初封於虞後人
以國配仲故又號始祖為虞仲如其說則是
以魯孫而變祖字恐無是理北吳無亦謂之
吳故以北冠之以別荆蠻之吳如號之分東
西耳其轉而為虞則號猶為郭也志以虞為
北吳而齊語謂為西吳者蓋在北在西役周
所都言之世家曰封周章弟於周之北則以
為北吳者以其在鎬京之北鄭語曰當成周
者西有虞號則以為西吳者以其在成周之
西二說所以不同

初淮南王異國中民家有女者以待游士而妻
之故至今多女而少男如淳曰得女寵或去男
揚州之民二男而五女也此風氣非由淮南王
安能使多女也師古曰志亦言土地風氣既足
化又更聚焉
劉敞曰班氏作史雜采異說亦安能無失璣
舉揚州之說是矣

三江五湖之利

刊誤補遺曰按國語伍子胥曰吳與越三江
環之范蠡曰與我爭三江五湖之利者非吳
耶然則三江五湖吳越所共非吳獨得而有

也以春秋內外傳考之句踐率中軍沂江注
吳江也越子伐吳吳子禦之笠澤夾水而陳
吳王軍於江北越軍于江南注松江也又越
與吳戰于五湖注今太湖也吳伐越越子禦
之陳于攜李夫差敗越于夫椒注攜李在嘉
興縣夫椒在太湖中傳稱句踐之地北至于
禦兒西至于姑蔑注禦兒在嘉興縣姑蔑在
太湖中按吳越相攻其在攜李在禦兒在笠
澤則今秀洲及吳江縣吳松江也其在五湖
在夫椒在姑蔑則今太湖也凡今嘉興華亭

吳江崑山瀕江一帶之地其南則越之北鄙
其北則吳之南鄙吳縣太湖亦然觀此則三
江五湖為吳越共地審矣志以會稽以下八
郡為吳地而以蒼梧以下七郡為越地按會
稽之吳曲阿毗陵丹徒婁無錫陽羨此吳地
也至烏傷餘暨諸暨山陰餘姚上虞海鹽剡
由拳大未烏程句章餘杭鄞錢塘鄞富春治
回浦則盡越地耳志當如韓魏之於潁川分
明之可也

其君禹後帝少康之庶子云封於會稽

臣瓚曰洎交趾至會稽七八千里百粵雜處
各有種姓不得盡云少康之後也按世本越
為芊姓與楚同祖故國語曰芊姓夔越然則
越非禹後明矣又芊姓之越亦句踐之後不
謂南越也師古曰越之為號其來尚矣少康
封庶子以主禹祠君於越地耳故此志云其
君禹後豈謂百越之人皆禹苗裔瓚說非也
劉敞曰瓚所云越非禹後亦謂百越之君
耳豈指七八千里內之民乎班氏所舉但是
會稽一越爾瓚以一越證之亦未為失而顏

黨其所注書味五字遂曲排之非通論也
後五世為楚所滅

愚按越世家句踐至無彊六世

溝洫志第九

愚按自陂山通道者不可勝言以上皆本史
記河渠書自鄭國渠以下皆班氏自作

泥行乘毳山行則揭

尚書孔傳云泥乘輶山乘櫟史記云泥行蹈
橈山行即橋疏曰尸子云山行乘輶泥行乘
輶慎子云為毳者患塗之泥也應劭曰揭或

作標為人所牽引也。輒與毳為一標，與揭舉為一古篆變形字體，改易說者不同，未知孰是。

及明津錐內

宋祁曰：明邵本作盟。

至于大伍

劉奉世曰：師古以為在成阜，非也。齊召南曰：按此條下，師古但引鄭氏張晏臣瓚之說，不加斷語。而地理志引禹貢，至于大伍，注曰：山丹重曰：伍在大伍，在成阜。此劉氏之所譏也。

同為逆河入于勃海

臣瓚以為武帝元光三年河移徙東郡更注
勃海禹時不注也齊召南曰按尚書但云
入于海史記河渠書始云入于勃海而漢志
用之本無差誤禹河自周定王以後雖漸移
徙不定而其入海之口必于直沽至漢固如
故也武紀元光三年春河水徙徙頓丘東南
流入渤海其入渤海不異禹時所異者改道
徙頓丘東南自頓丘而東北注渤海此非大
河故道耳志于魏郡鄴縣曰故大河在東北

入海于渤海郡成平縣曰虖沱河民曰徒駭
河此則禹河故道也豈可曰禹時不注渤海
乎使禹河不注渤海則史記于宣房之築又
何以云道河北行二渠復禹舊跡也瓚說非
是師古不訂正何耶

滎陽下引河東南為鴻溝以通宋鄭陳蔡曹衛
與濟汝淮泗會

劉奉世曰一鴻溝固不能旁通六國數百里
之間又濟自從千乘入海安得會于楚也
齊名南曰按鴻溝即指汴渠地理志河南郡

滎陽縣有狼湯渠首受汴東南至陳入潁過
郡四行七百八十里又陳留郡陳留縣魯渠
水首受狼湯渠東至陽夏入渦渠又浚儀縣
睢水首受狼湯水東至取慮入泗過郡四行
千三百六十里又封邱縣濮渠水首受汴東
北至都閔入洋理水過郡三行六百三十里
又淮陽國扶溝縣渦水首受狼湯渠東至句
入淮過郡三行千里此宋鄭陳蔡曹衛水道
之明証也汴渠首受滎澤即是濟水何必遠
求于千乘注海之濟口乎劉氏疑于所不必

穀何也

於楚

困學紀聞曰朱子答吳斗南書溝洫志於楚
字本文屬下句下文有於齊於蜀字皆是句
首而劉誤讀屬之上句

於是以史起為鄴令遂引漳水溉鄴以富魏之
河內

呂氏春秋曰鄴民大怨欲籍史起史起不敢
出而避之王乃使他人遂為之水已行民大
得其利 困學紀聞曰溝洫令史起引漳水

溉鄴出呂氏春秋先識覽以賢令為聖令烏
鹵為斥鹵 閻若璩曰按河渠書以引漳水
溉鄴為西門豹余謂西門豹當魏文侯時史
記當襄王時皆為鄴令皆鑿十二渠利民故
左思魏都賦西門溉其前史起灌其後括地
志亦云爾

其後三十六歲孝武元光中河決於瓠子東南
注鉅野

齊召南曰按史記作四十有餘年自孝文十
二年河決東郡至元光三年河決濮陽實三

十六年此則漢志訂史記之失也

時鄭當時為大司農

齊召南曰按百官公卿表曰景帝後元年更名大農令武帝太初元年更名大司農然則元光時止應言大農史記鄭當時為大農是也又按表元光五年詹事鄭當時為大農令引渭穿渠起長安旁南山下至河五百餘里徑易

劉奉世曰按今渭水至長安僅三百里固無九百餘里而云穿渠起長安旁南山至河中

間隔灞澮數大川固無緣山成渠之理此說
可毅今亦無其迹

漕度可令三月罷

愚按漕字宜屬上句云徑易漕

故盡河粟棄地

宋祁曰粟卽本作塽

其後嚴熊

史記作莊熊羆

自徵引洛水至商顏下

師古曰商顏
商山之顏也

劉奉世曰洛水南入渭商山乃在渭水之南

甚遠何由穿渠至其下也豈別一山名顏說失之

吾山平兮鉅野

水經注曰馬頰水又南北流逕山南山即吾山也武帝所謂吾山平也

蓄桑浮兮淮泗滿

如淳曰蓄桑邑名為水所浮漂

齊呂南曰按史記秦紀惠文王改元之二年張儀與齊楚大臣會蓄桑魏世家注徐廣曰在梁與彭城之間是邑名之記

寡長菱兮湛美玉

臣瓚曰竹葦組謂之茭所以引置土石也師
古曰茭字宜從竹 愚按魏書序紀帝征衛
辰時河冰未成帝乃以葦組約澌五代史李
存進傳以葦管維大艦為浮梁葦茭類則長
茭之茭不必定從竹也前云東郡燒草則茭
葦之屬所優饒矣

築宮其上名曰宣防

隸辨曰校官碑董竝字公防按即房字唐公
房碑君字公防房亦作防隸釋云隸釋云隸
法房字其戶皆在側故人多不曉或作防或

臧非防堦非池據此則今本史記武帝紀芝
生殿內防中漢書溝洫志築宮其上名曰宣
防皆防字傳寫之誤也

參內史稻田祖挈重

日知錄曰挈偏也說文有𡗗字註云角一俯
一仰意同

河復北決於館陶分為屯氏河東北經魏郡清
河信都勃海入海

齊呂南曰按屯氏河自館陶東北至章武入
海此志所云東北經魏郡清河信都勃海入

海即地理志所云過郡四行千五百里者也
屯氏河不流行七十餘年

劉奉世曰河不流行不字宜為水字或衍不
字

河隄使者王延世使塞

華陽國志曰知術光祿大夫閔內侯王延世
許商以為古說九河之名有徒駭胡蘓鬲津今

見在成平東光鬲界中此師古曰徒駭者言禹治

驚駭也胡蘓下流急疾之貌也鬲

津言其隘小可鬲以為津而度也
愚按師古蓋用李巡注爾雅之說尚書疏云

計燭陳汜河云復其故道則名應先有不空
徒駭太史因禹立名

又為石隄使西北抵黎陽觀下縣名也師古曰觀

齊召南曰按觀下自是黎陽縣近河地名不
然畔觀屬東郡觀津屬信都皆不得獨稱觀

字

壞黎陽南郭門入至隄下如淳曰然則隄在郭內也臣瓚曰謂水從郭

郭南門入北門出而至

劉奉世曰如瓚說則是河已沒黎陽城矣非
也如說為是不然則黎陽因隄一面為城如

今之澶州故郭門乃在隄外矣

永留十三日隄潰

宋祁曰晏本隄潰下有二所兩字